

## **Gairm gu ùrnaigh: Latha na Sàbaid 21mh dhen Ghearran 2021**

### **Ùrnaigh aig 7f**

Tha Soisgeul Marcuis ag innse dhuinn mu thòiseach ministrealachd Ìosa. Tha e a' toiseachadh ann an Nàsaret Ghalile, agus a' dol air adhart do dh'Abhainn Iòrdain. An-sin, chaidh Ìosa a bhaisteadh, agus an uairsin chaidh a chuir dhan fhàsach fad dà fhichead latha. Agus an uair sin thoisich e a mhinistrealachd, ag ràdh: "Chaidh an t-àm a choileanadh, agus tha rìoghachd Dhè faisg. Dèanaibh-se aithreachas agus creidibh an soisgeul!" (Marcus 1: 9 - 15)

Chan eil sinn mothachail ar tìmh san aon dòigh a-nis 's a bha sinn roimhe. Air an dara làimh, tha miosan ar glasaidd air ar cur troimh-chèile, gun ruitheaman na beatha dh'am b' àbhaist dhuinn. Air an làimh eile, le adhradh, obair agus beatha shòisealta a' gluasad air loidhne, tha sinn a' faicinn atharrachaidhean mòra timcheall oirnn gach latha. Tha an dà rud seo - am measg iomadh rud eile - a' tachairt aig an aon àm, agus chan eil e soilleir dhuinn fhathast mar a bhios iad ag atharrachadh cùisean anns an àm ri teachd.

Ged nach eil an t-àm ri teachd soilleir dhuinn, tha fios againn gu bheil Rìoghachd Dhè faisg oirnn. Ann an solas na Rìoghachd sin, siubhalaimeid air adhart maille ri Ìosa a-chum a' chrann-ceusaidh. Cuireamaid romhainn a bhith beò ann an solas Rìoghachd Dhè, agus a bhith beò mar an fheadhainn a chuala naidheachd mhath Ìosa.

Dèanamaid ùrnaigh:

A Dhè, tha do rìoghachd faisg,  
agus 's ann leatsa a tha eòlas an ama.  
Deònaich gun cluinn sinn gairm do Mhic  
agus gun gabh sinn ris an naidheachd mhath a chuireas e an cèill.  
Deònaich dhuinn gràs an-dràsta gus seo a dhèanamh.  
A Thighearna, na do thròcair,  
èist ri ar n-ùrnaigh.

A Dhè, tha do rìoghachd faisg,  
agus 's ann leatsa a tha eòlas an ama.  
Thàinig do Mhac a-steach ann an tìmh,  
agus chaidh a dhèanamh na fheòil air ar sgàth agus air sgàth ar slànachaidh.  
Anns na làithean doirbh seo,

tha sinn ag ùrnaigh gum bi fios againn gu bheil do Mhac a' gabhail rinn.  
A Thighearna, na do thròcair,  
èist ri ar n-ùrnaigh.

A Dhè, tha do rìoghachd faisg,  
agus 's ann leatsa a tha eòlas an ama.  
Bi maille riutha uile a tha fo dhragh an-diugh,  
agus a tha feumach air fois.  
Bi maille riutha uile a fhrithealas ri feumalachdan chàich.  
Deònaich dhaibh gliocas agus truas airson na h-obrach.  
A Thighearna, na do thròcair,  
èist ri ar n-ùrnaigh.

A Dhè, tha do rìoghachd faisg,  
agus 's ann leatsa a tha eòlas an ama.  
Bi maille rinn, agus sinn a' cur romhainn a shiubhal còmhla rid Mhac  
anns na làithean a tha ri teachd.  
Anns an fhàsach, no ri taobh nan aibhnichean thèid seachad sìos gu mall,  
deònaich gum faigh sinn eòlas as ùr air do làthaireachd.  
A Thighearna, na do thròcair,  
èist ri ar n-ùrnaigh.

Soidhnichte:

- An Ceart Urramach Màrtainn Fair, Moderàtor Àrd-Sheanadh Eaglais na h-Alba
- Am Fìor Urramach Leo Cushley, Àrd-Easbaig Chill Rìmhinn agus Dùn Èideann
- Am Fìor Urramach Marcus Strange, Primus as leth Colaiste nan Easbaigean, Eaglais Easbaigeach na h-Alba
- An t-Urramach Iain Fulton, Moderàtor, Eaglais Shaor Aonaichte na h-Alba
- An t-Urramach Dòmhnall G. Dòmhnallach, Moderàtor, an Eaglais Shaor
- An t-Urramach Pòl Whittle, Eaglais Ath-Leasaichte Aonaichte (Alba)
- An t-Urramach Màrtainn Hodson, Àrd-Stiùiriche, Aonadh Baisteach na h-Alba

- An t-Urramach Marcus Slaney, Cathraiche Roinn-Dùthcha, Eaglais nam Methodach (Alba)
- An t-Urramach May-Kane Logan, Cathraiche, Caidreachas Co-thionalach ann an Alba
- Lt. Col. Carol Bailey, Rùnaire na h-Alba, Feachd na Slàinte
- Adwao Bittle, Comann nan Caraidean (Cuagairean)
- An t-Urramach Claire Fender, Àrd-Neach-Stiùiridh Roinn-Dùthcha, Eileanan Bhreatainn, Eaglais an Nàsaraich
- Aoghaire Chris Gbenle, Aoghaire Roinn-Dùthcha, Mòr-Roinn na h-Alba, Eaglais Chrìosdal air Saoradh le Dia
- Easbaig Francis Alao, Eaglais Dhè (Alba)/ Eaglaisean nam mìon-shluagh còmhla ann an Alba (MECTIS)
- An t-Urramach Fred Drummond, Stiùiriche, Caidreachas Soisgeulach (Alba)